

**GOLLIRDU HOOREEJO BATTAA EN**

**BURKINA FASO**

Potal - Humtaare - Sariya

-----  
**HOORUUJO GOVERNEMA**

**KUMPITAL BATU  
BATTAA EN**

(PP-G/TRANS N°022-2024)

-----  
**Rimtalba Jan Emanuyel WEDIRAWGO**

**Wagadugu, ñanne 03 lewru jeddeburdu 2024**

Batu battaa en jooy/inaama Wagadugu,  
ñannde alarbaare 03 lewru jeddaburdu hitaande 2024,  
e dow joonde mum woowunde wadeede, yuwde  
yamnde 9 yahade yamnde 13 H e min. 42,  
dow hooraaku  
e teddeengal kapiten Ibarahim TARAWORE,  
Hooreejo leydi men, Persidan Batu battaa en.

O tabintinii ko aykanoo ley ndee joonde,  
hettindii kibaaruuji kaalaadi,  
hokkii golloobe laamu  
dey hokki laawol misiyonji gadowee ley leyde janane.

## **I. KO TABINTINAA**

## **I.1. BANNGAL PERSIDANSI DI FASO**

Batu battaa en adii **dekere** joyfīinii golle mawde persidansi banngal cellal na rabbindiniraa ipeyes (IPS).

Illa duubi, Burkina Faso adii laawol faa moyfīina golle banngal cellal. Ndelle, guvernema wadii dey joyfīini golleeji suudu baaba hono asiransi cellal ko yimbe fuu e sawrude bolum sukaaḅe yūwde rimaado hikka yahade duubi 5 e tawti debereeduube tawee ḅe njobaay faa'e.

Hannden, ko taykaa gollitirdi cawrirdi keyātaa, cafaaje kokkooje yīiyām ngalaa dey na saabo ḅawḅe na njaharee ley galluuje mawde heḅa ngattanowee nyīiyām. Dum na holla rafi ndaarande yimbe e sawrirdi ḅe no hegitorii.

Saabe dii sadfaaji, Persidan di Faso fuddii **golle mawde persidansi banngal cellal (IPS)**. Den golle mawde banngal cellal yimbe ko riiwata yo heydfintinde nokkuuje cellal dey hegintina dabareeji cawrirdi ley Burkina Faso.

Booyol ḅee golle IPS yo duubi (05), yo biron daraniido golleeji mawdi Burkina (BN-GPB) ley persidansi ndaaranta ḅee golle cellal. Na ḅe ngondi caldi gollirdi nay (04) :

### **Saldu 1 : ḅiḅugol e wattugol gineeji gollitirdi ley dokotorooje kominniiji 55.**

Ko nduu saldu golle riiwata yo wattitinde cuudi dokotorooje pamare (CSPS) 55 faa laato cuudi dokotorooje potorde ley ndewuuji 13 dii fu.

Dokotorooḅe mawḅe, golloḅe ley laboratuwaariiji, anndanḅe e gaḅooḅe fotooji ḅawuuji e golloḅe ley dokotorooje wobḅe jaharete ley ḅeen dokotorooje potorde.

Caggal ḅum, cuudi gonudi ley dokotorooje pamare (CSPS) hannden, yo cuudi pamari yo cuuroy cankitiikoy jeyukoy moyfīintineede. Tabintingol golle IPS

wallan ñibugol ley wawtuuji didi e potordi cuudi takkondirdi. Ko cuudi takkondiri dum na hoyna golle dey hoynana ñawbe.

**Saldu 2 : ñibugol e wattugol gineeji gollitirdi ley cuudi dokotorooje 5 daraniidi danningol ñawbe heba e cawree e findinde be (anesteji).**

Dee golle ko riiwata yo hokkude dokotorooje mawde ley ndewguuji sarwiisiji danningooji ñawbe e findinooji be heba ñawbe jahareteebe gere cawowee buytoo.

**Saldu 3 : ñibude sarwiisi dokotorooje mawdo kiilniido sawrude bernde ley dokotorooje Tengandogo.**

Joyyingol oo sarwiisi mawdo cawroowo beernde wallan Burkina Faso hebude suudu lokotorooje burunde hibbude ley ndewgu leyde men fuu banngal opeere bernde sukaabe, mawbe e golleeji goddi dow bernde banngal sawrugol ñawuuji bernde di mbaawaano sawreede.

**Saldu 4 : lonnjoragol molekil dey yiita ñaw kanseere enndu.**

Dee golle banngal sawrugol yimbe wallan dokotorooje den hebude daliiliji cawrirdi kesi leyde tuubaaku en di ngalaano ley leyde baleebe tafon. Dum wallan Burkina yaharude yeeso banngal sawrugol ñaw kanseere enndu.

Ceede oo porje IPS mawdo yo ley keesu battaare hiilniinde cellal e juude suudu baaba yuwrata.

Adugol o dekere na joyyina golle mawde persidansi banngal cellal.

**I.2. BATTAARE HIILNIINDE YIGIRAAGU E LEYDE JANANE, GOLLIDAL E LEYDE FIILUDE EN E BURKINAABE NGONU'BE LEYDE JANANE**

Batu battaa en adii **dekere** kolloowo teetungol nokkuure faa hokkee laamu dey ñibanee waaldeere Tirki lekkol mawdo.

Illa hitaande 2017, Guvernema leydi Tirki rookoke laamu Burkina Faso mballa banngal uddugol lekkolliiji fuu kabodiidi e « Orizon Jannde/waaldeere adunaaru tirki banngal bantaare e ballondiral hakkunde yimbe» gonunoodi Wagadugu e Boobo-Julaso.

Laamu Burkina e laamu Tirki batidiino heba fiirta oo sadfa uddugol lekkolliiji. Kawrital manngal wadaama galluure Antalya ley hitaande 2024.

O dekere teetirɗo nokku saabe golle laamu yo heba leydi tirki omta lekkol mawɗo saabe yigiraagu lobbu hakkunde Burkina e Tirki.

### **I.3. BANNGAL BATTAARE HILNIINDE FAGGUDU, CEEDE LAAMU E AYKA GOLLE LEYDI**

Batu battaa en adii **dekereeji (02)**.

**Dekere arano** na holla beydugol hoore jawdi sosiyete leydi men daraniido ndesa nguurey banngal ndeenaagu yimbe na rabbindiniraa sonazeesi (SONAGESS).

Nden hoore jawdi yuwan **miliyonji keme didi (200 000 000) SEEFA dey yottinee miliyaaru go'oto (1 000 000 000) SEEFA**.

Adugol o dekere na walla beydugol hoore jawdi SONAGESS heba gollira gollem no hegitorii dey hokka remoobe e duroobe baawde gollirde dey resa nguurey faa heya yimbe leydi men.

**Dekere didamo** na holla hokkugol yimbe talki baadeeji di be coodi to jaagotoobe parselliji e cuudi.

Heba hebugol talki laamu parselliji e cuudi hoyo dey kegitoo, Guvernema adii laluwaa L°008-2023/ALT mo ñannde 20 lewru jeegaburdu hitaande 2023 kolloowo laawol hebirgol nokkuuje ley Burkina Faso.

Heba laamu fiirta sadfaaji bannagal talki nokkuuje, golloobe cubaama faa ngollira no hegitorii faa yimbe be ngalaa talki baadeeji mubben keba talki laamu jamirooji neddo nawtoro suudu do waalata na rabbindiniraa peyuhasi (PUH).

Dee golle ngadete dow parselliiji 180 000 gonudi ley nokkuuje 127 ley ndewguuji 08. Yo jaagotoobe nokkuuje 49 dewube sardiiji laamu tan mballettee kokka soodube to mabbe keba talki cuudi e parselliiji.

Adugol o dekere na walla tabintingol golle bannagal hebande yimbe talki laamu lobbi baadeeji e parselliiji to sonnoobe nokkuuje e baadeeji nibaadi.

#### **I.4. BANNAGAL BATTAARE HIILNIINDE NDEMRI, MARAL E JAWDI LEY NDIYAM**

Batu battaa en adii **dekereeji didi (02)**.

**Dekere arano na** holla wattitingol dekere L°2014-072/PRES/PM/MICA/MEF/MASA mo ñannde 13 lewru didaburdu hitaande 2014 holloore wattitagol sardiiji cubanaadi sosiyete leydi men kiilniido moyfingol nokkuuje gure e gollitirdi demal (SONATER).

Ko waylitingol oo dekere riiwata yo hokkude SONATER talki sariya lobbi e jahadooiji e golle mum caggal joyfingol sarwiisi mawdo kiilniido wadugol baraasiiiji e moyfingol nokkuuje demeteede na rabbindiniraa owenba (ONBAH).

Tabintingol oo dekere na walla sosiyete leydi men kiilniido moyfingol nokkuuje gure e gollitirdi demal (SONATER) hebude talki sariya lobbi heba gollira no hegitorii e no woodiri.

#### **I.5. BANNAGAL BATTAARE HIILNIINDE CELLEL E LA'AARE SUUDU BAABA**

Batu battaa en adii **dekere** kolloowo joyfingol, golle, gollitirdi e njaaki golle sarwiisi kawjotoodo sardi bannagal cellal adunaaru na rabbindiniraa peyef'en ersi (PFN RSI) ley Burkina Faso.

Sardi bannagal cellal yimbe adunaaru yo talki sariya gollitirteedi tinndinooji leyde gonude e waaldeere adunaaru hiilniinde cellal na rabbindiniraa owem'es (OMS) etugol baawde cellude tilsude bannagal cellal suudu baaba duubi joy joy fu (05).

Ko ndee waaldeere riiwata yo sakkanaade yimbe adunaaru ñawuuji kuubooji, reenude yimbe e ñawuuji, wafude yimbe annda di dey keba dabareeji deenirdi e ñawuuji tawee bononnda majji buytaama ley yimbe.

Ko oo dekere riiwata yo tabintinde tinndinooje de waaldeere leyde adunaaru hiilniinde cellal OMS yamiri tawee tiigoke sardi callal adunaaru mo Burkina Faso tabintinta. Hawju den golle na dekii dow yimbe kalfinaabe golle den. Be na njeji hollitinde OMS ley leereji 24 dewtudi yiitugol ñaw huubude adunaaru fu.

Adugol oo dekere na walla leydi men hebude dabare leydi bannagal sardi cellal adunaaru dey beyda semmbe annde e baawde yiitilawgol ñawuuji dey tewta daliiliji cakkordi ñawuuji kuubooji aduna.

## **I.6. BANNAGAL BATAARE HIILNIINDE BANTAARE LUUJINJI, JAAGU, ÑEENAL E ANTEREPIRIISIJI PAMARI E POTORDI**

Batu battaa en adii **dekere** kolloowo wattitingol dekere L°2014-059/PRES/PM/MICA/MASA/MEF mo ñanne 07 lewru sappo e didaburdu hitaande 2014 dow joyfingol sosiyete leydi men kiilniido moyfingol nokkuuje gure e gollitirdi demal (SONATER).



Yo joyfingol sarwiisi mawdo leydi kiilniido wadugol baraasiiji e moyfingol nokkuuje ndiyam demeteede (ONBAH) saabii wattitingol oo dekere. Ngol wattitagol na walla SONATER faa gollana yimbe no hegitorii banngal golleeji ley gure hono ñibdiiji e moyfingol nokkuuje demeteede.

Golle SONATER yo moyfingol nokkuuje e ko nanndim hono :

- Nokkuuje bicceteede ndiyam fuu so wanaa baraasiiji e ko nanndim ;
- keesi, nokkuuje durdufe e sardiñeeji ;
- ñibdiiji marirdi liyyi e jawdi ndiyam fu ;
- ñibdiiji pamari paddordi ndiyam demirteedam maa marirteedam hono pommiiiji ndiyam, bulli, gaawi cakkordi ndiyam gooruuji.

Adugol oo dekere na walla sosiyete leydi men moyfinoowo nokkuuje e hebande yimbe gure gollitirdi faa ngollira no hegitorii banngal moyfingol nokkuuje demeteede, mareteede e nokkuuje ndiyam gondudam jawdi e tawti hebande yimbe masinaaji demirdi.

## II. KIBARUUJI KALAADI

**II.1.** Battaa kawjotoodo golloobe Lamu, golle e reenugol golloobe holli ley batu oon kibaaru kabodiido e taweede Burkina Faso kawrital hawju Lamu 59<sup>abo</sup> santiri mo Afiriki banngal formason e filagol annde hawju Lamu faa beyda bantaare Safarad (CAFRAD), anniyaado wadeede ñannde 09 lewru jeddfaburdu hitaande 2024 ley Raba leydi Maroc.

Ngaal kawrital saaboto yimbe tawaabe toon yefondira annde golle dey yaajina milooji banngal heydfintingol golleeji Lamu. Ndum saabanto Burkina faa hannde jinngangol tewtugol horeyaaku waalde ndeen.

Safaraadi (CAFRAD) wo waaldeere mawnde nde governemaaji afiriki joyfini hitaande 1964 faa piloo anniyaaji njaharooji hawju golleeji laamu e governemaaji afiriki fuu yeeso.

**II.2.** Battaa daraniido kumpital, finaatawa ñeeñal e turismu hollii batu oon joyfinere arondirngol « pri galiyan », 27<sup>abo</sup> gadeteedo ñannde 14 lewru jeegaburdu hitaande 2024

Kawrital hitaande 2024 tawdaama e yimbe arondiroobe 148. Ley mabbe yimbe 14 arondiral banngal halaaji finaatawa, yimbe 30 wo hokkugol kibaruuji dow callali (enterneti), yimbe 57 wo haalugol kibaruuji e tubakuure ley radiyo e televiison, yimbe 47 wo winndugol kibaruuji e tubakuure.

Caggal ko tabintinaa e arondirngol ngool be tawi ley mabbe yimbe 21tawa na mbaawi hebude mbarjitaariiji ley jemma « galiyan ».

Ley ngol arondirngol 27<sup>abol</sup> « galiyan seebudo » (Siper galiyan) hebaaka saabe golle fay gooto e mabbe hewtudo 17/20 wala.

Ko wattaa wo kesum e nde weltaare, wo arondirngol « Galiyan kiid » wo janngoobe lekkollaaji pamari e liiseeji Burkina Faso ngadi arondirngol ngool. Ndum saaboken sukaabe 04 ardiibe keba mbarjitaariiji.

**II.3.** Battaa daraniido yigiraagu e leyde janande golidal e leyde piilude en e Burkinaabe ngonube leyde janane holli kibaruuji kalaadi keewdi ley batu oon :

- **Kibaaru gooto** na habbodi e taweede Burkina Faso kawrital faggudu manngal Afiriki-Itali anniyaado wadeede yuwde ñanne 15 yahade 20 lewru jeddaburdu hitaande 2024 gadeteedo ley Rom e tawti ley Triyesti leydi itali.

Kawrital faggudu manngal Afiriki-Itali wo kawrital gollidal banngal faggudu e jaagu. Ko o buri fuu riiwande yo hawrondingol Afiriki e gollidoobe muɓboy mawbe ngattoobe ceede ley golleeji paggorteedi faa batida gollidoobe banngal bantaare faggagol nafa hoorem dey joyyina golleeji hayaaku ley Afiriki faa buyta muuyo dillugol muɓboy njahaa Erop.

Burkina Faso wo ngenndi baantaandi e ngal kawrital manngal, woodi tinnoto du taweedom toon semmbina yigiraagu hakkunde mum e leydi itali. Ngal kawrital wo wawtu mo Burkina waawi hebude holla anndem banngal faggudu e jaaguuji muɓboy dey keba gollidoobe gattoobe ceede ley golleeji paggorteedi.

- **Kibaaru didafo** oon du na hollaa jabbagol Burkina, biɓbe Afiriki ngonube sera hodube Eta- zini e ley adunaaru fuu banngal weltaare leydi jeddiire finaatawa Esense (SNC), gadaado yuwde ñanne 27 lewru nayaburdu yahade 04 lewru joyaburdu hitaande 2024 ley Bobo-Julaso.

Biɓbe Afiriki ngonube Eta- zini e ley adunaaru tawaama Burkina Faso faa paamaa finaatawa burkina, kiiña annde faggudu leydi men dey tewtana boy yigiraabe ballitotoobe. Jahaangal ngaal tawdaama yimbe 104, 6e ndaari nokkuuje ndaranooje cellal yimbe dey 6e kokki yimbe duggube gure muɓboy saabe rafi ndenaagu, ñaamduuji.

Faa hannden du gunube sera been batidii e persidan Burkina Faso kapiten Ibarayim TARAWORE tawti yimbe governema e yimbe daraniibe faggudu.

Persidan Burkina Faso yamirii burkinaabe ngonube sera ngatta ceede paggorde ley golleeji Burkina, leydi kebinndi jawdi itteteendi ley leydi e daliliiji fagguduuji godfi keewdi.

**II.4.** Battaa kiilniido jannde lekkol, jannde halaaji finaatawa e bantaare halaaji finaatawa hollii ley batu oon kibaaru kabodiido e yaayingol yimugol jimol Ndoondo leydi men (ditaniyen) e halaaji men finaatawa ley bataaje, sarwisiiji mawdi, nokkuuje golle Lamu mawde gonude ley wagadugu, e ley galluuje godde tawti pecce leydi kokkitaade Lamu, e ley lekkolaaji e nokkuuje formason.

Feendaa oon kibaaru wo faa tabintinen halaajimen finaatawa de hokka mono fu semmbe bi-leydiyankaaku faa ñibitoden Burkina dey dwtiren balloobe en faa jeyten leydi men e tewtugol koddal loɓɓal e ummanaade jannjingol bi-leydiyankaaku e kala Burkinanke fu.

Komison leydi ndaranoowo halaaji men finaatawa yeewi ndaari wayilitingol Ndoondo leydi men e halaajimen finaatawa 14.

Battaare daraniinde bantaare halaaji finaatawa dwtiroowo oo golle holli battaare fuu e sarwiisi fuu e tawti nokkuuje golle Lamu gonde ley galluuje e pecce leydi kokkitaade laamu fuu segiloo njima jimol Ndoondo e haalawol finaatawa wawtu yeeñingol deesewal leydi men.

### III. HOKKUGOL LAAMU

### **III.1. HOKKUGOL LAAMU LEY SARWIISIIJI LAAMU MAWDI**

#### **A. BANNAL GOLLIRDU HOOREEJO BATTAA EN**

- Musey Muusa **WATARA, Matirikil 294 309 Y**, Ensipekteere suudu kaalisi, kalaasi 1<sup>abo</sup>, eselon 4<sup>abo</sup>, hokkaama laamu hiilnagol segilooji.

#### **B. BANNAL BATAARE HIILNIINDE KUMPITAL, FINAATAWAA, ÑEEÑAL E YIILUNDE**

- Musey Tirawgo **YIWGO, Matirikil 59 841 Z**, Ensipekteere suudu kaalisi, kalaasi 1<sup>abo</sup>, eselon 6<sup>abo</sup>, hokkaama laamu Direkteere hawjo laamu e kaalisi yemre weltaare (Festival) sinima e televizon Wagadugu wadanaande leyde afirki Fespako (FESPACO) ;

Musey Wendpabasba Serze Erman **ILBUDO, Matirikil 220 669 C**, konseye bannal golle faggudu, kalaasi 1<sup>abo</sup>, eselon 6<sup>abo</sup>, hokkaama laamu Direkteere hawjo laamu e kaalisi Suudu leydi desirdu gineeji finaatawaa yimbe Burkina Faso (MNBF).

#### **C. BANNAL BATAARE HIILNIINDE NDEMRI, MARAL E JAWDI LEY NDIYAM**

- Musey Muusa Pulmawende **ZIDA, Matirikil 118 318 Z**, Enzeniyeeere bannal golle bantaare gure, kalaasi 1<sup>abo</sup>, eselon 7<sup>abo</sup>, hokkaama laamu Direkteere zeneral moyfingol nokkuuje ndemri e maral e bantaare golleeji mbiccugol ;
- Musey Mamudu **TARAWORE, Matirikil 289 074 E**, Enzeniyeeere bannal golle gure, kalaasi 1<sup>abo</sup>, eselon 2<sup>abo</sup>, hokkaama laamu Direkteere hawjo bantaare gollee mbiccugol ;
- Musey Rañage Aleksandre **MOYENGA, Matirikil 322 669 J**, Enzeniyeeere bannal golle gure, kalaasi 1<sup>abo</sup>, eselon 2<sup>abo</sup>, hokkaama laamu Direkteere moyfingol nokkuuje gollee ndiyam e ndemri ;

- Madam Kadija **DORO/DAWO, Matirikil 245 345 W**, Enzeniyeeere bannagal ndemri, kalaasi 1<sup>abo</sup>, eselon 5<sup>abo</sup>, hokkaama laamu hiilnagol segilooji.

#### **D. BANNAL BATAARE HIILNIINDE CELLAL E LA'AARE LEYDI**

Madam Kotim **YAMEWGO, Matirikil 130 543 R**, golloowo sariya (mazistara), Ktegori P5, garaadi timminirdo, eselon 2<sup>abo</sup>, hokkaama laamu tinndinoowo anndandoo golle, e loomto Madam Hasana **TARAWORE**.

#### **E. BANNAL BATAARE HIILNIINDE JANDE SEEBUNDE, TEWTUGOL ANDE E GOLLITIRDI KESI**

Musey Kudugu Zonas **KOLOGO**, Ofisiye ley soldaasi leydi, hokkaama laamu tinndinoowo anndandoo golle ndaaranoo ko habbodii e ndeenaagu ; Musey Brahima **KONATE, Matirikil 23 23 325 V**, Enzeniyeeere bannagal wonnugol ko habbodii e enformatikki, kategori 1, eselon 3<sup>abo</sup>, hokkaama laamu Direkteere daliliji kumpital.



## **III.2. HOKKUGOL LAAMU DEENTE KAWJOTOODE SOSIYETEEJI E SARWIISIJI LAAMU MAWDI**

Batu on hokkii laamu kawjotoobe ley deente hawju :

- To Lekkol leydi ekkitoowol hawju laamu e sariyaaji Enam (ENAM) dow innde battaare hiilniinde golloobe laamu, golle e reenugol golloobe ;
- to Yemre leydi hiilniinde wonnugol baraasiji e nokkuuje ndiyam e ndemri Oyenba (ONBAH) dow innde battaare hiilniinde ndemri, maral e jawdi ley ndiyam ;
- to Azansi leydi kiilniido reenugol daliiliji dokkal kibaaruuji Ansi (ANSSI) dow innde battaare hiilniinde naatugol golliral ordinateeriji, sarwisiji posti e kumpitirdi kesi ;
- to Sosiyete burkinaabe kiilniido golle haabu Sofiteks (SOFITEX) dow innde battaare hiilniinde bantaare lujinaaji, jaagu, ñeeñal e anterepiriziji pamari e potordi.

Batu on hokkii du, laamu Persidan en deente hawju Yemre leydi hiilniinde wonnugol baraasiji e nokkuuje ndiyam e ndemri Oyenba (ONBAH) e Sosiyete burkinaabe kiilniido golle haabu Sofiteks (SOFITEX).

### **A. BATTAARE HIILNIINDE GOLLOOBE LAAMU, GOLLE E REENUGOL GOLLOOBE**

Batu on hooyii dekere hokkoowo Musey Arzuma Marsel **SAWADOGO, Matirikil 119 356 E**, Ensipekteere lampuuji, laamu hawjo wakiili laamu leydi, dow innde battaare howjotoonde jawdi leydi, faggudi jawdi e hiiñugol laral leydi filoo jawdi to deental hawju Lekkol leydi ekkitoowol

hawju laamu e sariyaaji Enam (ENAM) ko booyol laamu aranol ngol duubi tati (03).

**B. BATTAARE HIILNIINDE NDEMRI, MARAL E JAWLE  
NGUURUDE LEY NDIYAM**

Batu on hooyii **dekereeji didi (02)**.

**Dekeree arano** on na hokka yimbe dewtuɓe ɓee, laamu kawjotoobe wakiili en laamu leydi, to Yemre leydi hiilniinde wonnugol baraasiji e nokkuuje ndiyam e ndemri Oyenba (ONBAH) ko booyol laamu aranol ngol duubi tati (03).

**Dow innde gollirdu laamiido leydi men :**

- Musey Kadugudiyu Abdurasmane **KONATE**, **Matirikil 00 334 033 L**, jannginoo Iniversite pilotoodo (meetere de reshersh).

**Dow innde battaare hiilniinde ndemri, maral e jawle nguuruɗe ley ndiyam :**

- Musey Patarbtale Jozef **NINKEEMA**, **Matirikil 36 431 D**, Enzeniyeere banngal golleeji ley gure ;
- Musey Baba Galey **DIYARA**, **Matirikil 216 977 W**, Enzeniyeere banngal ndemri.

**Dow innde battaare howjotoonde jawdi leydi, faggudi jawdi e hiiñugol loral leydi filoo jawdi :**

- Madam Basenewende Monik **YARGA/WEDIRAWGO**, **Matirikil 212 280 S**, Konsense banngol hawjagol loral leydi.

**Dow innde battaare hiilniinde bantaare lujinaaji, jaagu, ñeeñal e anterepiriziji pamari e potordi :**

- Musey Sanibe **FAHO**, **Matirikil 119 817 C**, Konsense banngal faggudu.

Hello **18** dow **20**

**Dow innde battaare hiilniinde hawjagol laamu leydi, desantalarizason e ndeenagu yimbe :**

- Madam Alizata **DABIRE/SAWADOGO**, Matirikil **59 707 Y**, Hawjo golle laamu yimbe bolbe.

**Dow innde battaare hiilniinde piilki, ndiyam e la'aare :**

- Musey Kepiyan Ouseyni Lawuwapan **DRABO**, Matirikil **218 558 P**, Enzeniyeere banngal golleeji ley gure.

**Dow innde battaare hiilniinde laawi e hoynugol yaha-yaatondirgol :**

- Musey Salfu **PASERE**, Matirikil **92 726 L**, Enzeniyeere banngal ñibdiiji.

**Dekere dɔɔfɔ** on na hokka Musey Kadugudiyu Abdurasmane **KONATE**, Matirikil **00 334 033 L**, jannginoo Iniversite pilotoodo (meetere de reshersh), Persidan deental hawju sarwiisi mawɔo kiilniido wadugol baraasiiji e moyfingol nokkuuje demeteede na rabbindiniraa owenba (ONBAH) ko booyol laamu aranol ngol duubi tati (03).

**C. BATTAARE HIILNIINDE NAATUGOL GOLLIRAL  
ORDINATEERIIJI, SARWISIIJI POSTI E KUMPITIRDI KESI**

Batu on hooyi **dekeree** hokkoowo Musey Isiyaaka **TU**, Matirikil **211 707 H**, Komiseere poliisi en mawɔo, Hawjo wakiili laamu leydi, dow innde battaare hiilniinde hawjagol laamu leydi, desantalarizason et ndeenagu yimbe to deental hawju Azansi leydi kiilniido reenugol daliiliiji dokkal kibaaruuji Ansi (ANSSI) ko booyol laamu aranol ngol duubi tati (03).

**D. BATTAARE HIILNIINDE BANTAARE LUJINAAJI, JAAGU,  
ÑEEÑAL E ANTEREPORIZIIJI PAMARI E POTORDI**

Batu on hooyii **dekereeji dɔɔfi (02)**.

**Dekeree arano** on na hokka Musey Umaru **BARO, Matirikil 212 299 B,** Konseye banngal faggudu, Hawjo wakiili laamu leydi, dow innde battaare hiilniinde bantaare lujinaaji, jaagu, ñeeñal e anterepiriziji pamari e potordi to deental hawju Sosiyete burkinaabe kiilniido golle haabu Sofiteks (SOFITEX) ko booyol laamu aranol ngol duubi tati (03), e loomto Musey Fidel ILBUDO.

**Dekeree didafo** on na hokka Musey Umaru **BARO, Matirikil 212 299 B,** Konseye banngal faggudu, Persidan deental hawju Sosiyete burkinaabe kiilniido golle haabu Sofiteks (SOFITEX) ko booyol laamu aranol ngol duubi tati (03), e loomto Musey Fidel ILBUDO.



[www.sig.gov.bf](http://www.sig.gov.bf)

Hooruujjo Governema

Le Porte-parole du Gouvernement,



**Rimtalba Jean Emmanuel OUEDRAOGO**  
*Officier de l'Ordre de l'Étalon*

**Rimtalba Jan Emanuyel WEDIRAWGO**  
*teddinirado mbarjitaari dubal puccu*

Hello 20 dow 20